



Na osnovu člana 17. stav 1. i člana 44. stav 1. Zakona o Visokom sudskom i tužilačkom vijeću Bosne i Hercegovine („Službeni glasnik Bosne i Hercegovine“, br. 25/04, 93/05, 48/07 i 15/08), a u vezi sa članom 61. i 61b. Poslovnika Visokog sudskog i tužilačkog vijeća Bosne i Hercegovine („Službeni glasnik Bosne i Hercegovine“, br. 55/13, 96/13, 46/14, 61/14, 78/14, 27/15, 46/15, 93/16, 48/17, 88/17, 41/18, 64/18, 12/21, 26/21, 35/21, 68/21 i 1/22), Visoko sudsko i tužilačko vijeće Bosne i Hercegovine je na sjednici održanoj 08.09.2022. godine, donijelo

O D L U K U

o imenovanju predsjednika Kantonalnog suda u Tuzli

- I. Za predsjednika Kantonalnog suda u Tuzli, imenuje se **Hadžimehmedović Indira**.
- II. Imenovana preuzima dužnost 30.11.2022. godine.
- III. Ova odluka stupa na snagu danom donošenja i biće objavljena u „Službenom glasniku BiH“ i na internet stranici Vijeća.

O b r a z l o ž e n j e

Visoko sudsko i tužilačko vijeće Bosne i Hercegovine (u daljem tekstu: Vijeće) je dana 04.05.2022. godine, objavilo javni konkurs, broj: 04-07-3-1614-1/2022, kojim je, između ostalih pozicija, oglašena i pozicija predsjednika Kantonalnog suda u Tuzli.

Na poziciju predsjednika navedenog suda prijavila su se tri kandidata.

Nakon provedene konkursne procedure, od tri prijavljena kandidata, samo jedan kandidat je ostvario minimalan uspjeh u konkursnoj proceduri, kako bi bio predložen za imenovanje na poziciju predsjednika kantonalnog suda.

Nadležno podvijeće je u skladu sa članom 61b. st. (1), (2), (3), (4) i (5) Poslovnika VSTV-a BiH, dostavilo Vijeću obrazloženi prijedlog, sa bodovima koje je kandidat ostvario u konkursnoj proceduri i njegovim programom rada, te rang listu kandidata.

U skladu sa članom 61b. st. (6) i (7) Poslovnika VSTV-a BiH, nakon izlaganja prijedloga podvijeća, predloženi kandidat je na sjednici Vijeća izložio svoj program rada.

Razmatrajući zaključenu rang listu kandidata i utvrđeni broj bodova, kao rezultat ocjenjivanja svih kriterija propisanih Zakonom o VSTV-u BiH i Poslovníkom VSTV-a BiH, te na osnovu uspjeha postignutog u konkursnoj proceduri i izlaganja programa rada, Vijeće je odlučilo da za predsjednika Kantonalnog suda u Tuzli imenuje kandidatkinju pod rednim brojem 1 na rang listi Hadžimehmedović Indiru.

Vijeće je nakon ocjene stručnosti kandidatkinje, sposobnosti pravne analize, komunikativnosti i sposobnosti prezentacije, sposobnosti kandidatkinje da odgovorno, nezavisno i nepristrasno obavlja funkciju sudije, uzimajući u obzir, između ostalog, dosadašnje radno iskustvo kandidatkinje, profesionalnu nepristrasnost i ugled, ponašanje van posla, edukaciju i usavršavanje, te druge aktivnosti u struci, rukovodne vještine i iskustvo, sposobnost upravljanja ljudskim potencijalima i ocjene kriterija podobnosti, ocijenilo da imenovana kandidatkinja u potpunosti ispunjava uslove za imenovanje propisane u članu 43. Zakona o Visokom sudskom i tužilačkom vijeću Bosne i Hercegovine.

Naime, imenovana kandidatkinja je u toku konkursne procedure, u pogledu bodova za kriterij stručnosti, ostvarila ukupno 100 bodova od mogućih 100 bodova, dok je na razgovoru pred nadležnom komisijom Vijeća ostvarila, ukupno 31,6 bodova od mogućih 35 bodova, što ju je u konačnici rangiralo na prvom mjestu rang liste kandidata sa ukupno 131,6 ostvarenih bodova od mogućih 135 bodova.

Osim toga, Vijeće je imalo u vidu da je imenovana kandidatkinja u skladu sa članom 59a. stav (2) tačka b) Poslovnika VSTV-a BiH ostvarila potreban uspjeh od najmanje 120 bodova, kako bi bila predložena i imenovana na poziciju predsjednika kantonalnog suda.

Imenovanje navedene kandidatkinje, pored uspjeha postignutog u konkursnoj proceduri, opredjelila je i činjenica da je ista, obavljajući u tri mandata dužnost predsjednika Kantonalnog suda u Tuzli, pokazala visok stepen vještine rukovođenja i organizovanja rada, kao i sposobnost upravljanja ljudskim potencijalima. Prijedlog načina rukovođenja i organizovanja rada, kao i prijedlog mjera i rezultate koje namjerava ostvariti u svrhu unaprijeđenja rada Kantonalnog suda u Tuzli, prezentirala je u priloženom programu radu, što dodatno govori o kvalitetu rada kandidatkinje.

Imajući u vidu sve iznesene razloge, Vijeće je odlučilo kao u izreci ove odluke.

Broj: 04-07-3-2975-1/2022
Datum: 12.09.2022. godine



Dostaviti:

- Imenovanoj,
- Kantonalnom sudu u Tuzli,
- Ministarstvu pravosuđa i uprave TK-a,
- a/a.